



Broj: 04-44-1-105/19
Sarajevo, 19.08.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 16.08.2019. do 07:00 sati 19.08.2019. godine

U izvještajnom periodu Kantonalni operativni centar civilne zaštite Kantona Sarajevo primio je četiri informacije o pronalasku NUS-a i to

- dana, 16.08.2019. godine u 16:10 sati od Policijske stanice Vogošća, da se u njihovim prostorijama nalazi oko 200 komada pirotehničkih sredstava.

- dana, 17.08.2019. godine u 18:40 sati od Policijske stanice Ilidža, da je u koritu rijeke Tilave, pronađena jedna ručna bomba,

- dana, 18.08.2019. godine u 10:27 sati od Policijske stanice Ilidža, da je u ul. Vrutci br.8, pronađena jedna ručna bomba,

- dana, 18.08.2019. godine u 18:00 sati od Policijske stanice Dobrinja, da se u njihovim prostorijama nalaze dva NUS-a.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedena neeksplozivna ubojna sredstva preuzeli i uredno uskladištili.



Kantonalni operativni centar civilne zaštite je dana, 16.08.2019. godine u 18:40 sati primio informaciju, od Gorske služba spašavanja Kantonalne uprave civilne zaštite Kantona Sarajevo, da se prema informacijama koje su dobili od Hrvatskog planinara (muža nestale) iz kafića u Babinom Dolu na Bjelašnici, jedna strana državljanka Hrvatske izgubila na lokalitetu Bjelašnice (na stazi br.1. kod gornje akumulacije). Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, a u skladu sa propisanim procedurama angažovana je Gorska služba spašavanja Kantonalne uprave civilne zaštite Kantona Sarajevo, čija je ekipa u veoma kratkom roku stigla na Bjelašnicu. U 19:20 sati nestala planinarka uspješno je pronađena i nije imala nikakvih povreda. U akciji je učestvovalo šest spasilaca.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) ima li su 15 manjih intervencija i to: pet manjih intervencija na gašenju zapaljenog smeća u kontejneru, dvije manje intervencije na gašenju zapaljenog automobila, jedna manja intervencija na gašenju niskog rastinja, jednu manju intervenciju na spaljivanju dimnjaka, pet obezbjeđenja Sarajevo Film Festivala i jednu tehničku intervenciju otvaranja vrata u stanu.

Napomena: U protekla 24 sata Pripadnici Kantonalne uprave civilne zaštite Kantona Sarajevo (Profisionalne vatrogasne jedinice) imali su tri manje intervencije i to: jednu manju intervenciju na gašenju smeća u kontejneru, jednu manju intervenciju na gašenju niskog rastinja i jedno obezbjeđenje Sarajevo Film Festivala.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

JKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 15 °C, vlažnost zraka 99%, barometarski pritisak 943,0 hPa.



BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- Televizija Kantona Sarajevo
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1